

Nino, 8mon.




suechet es Daheime i Wohnig (mit Gspändli!)

Liebi Tierfründe

Hoi, ig bi dr Nino, ja wi dr El Nino usm Rägeward. Ha grad wänig Ziit, muess luege, was dört obe isch. Obwou, ig sött mir es paar Minütli Ziit näh. Ig wott mi vorschtäue, wiu ig bi uf dr Suechi nach eme nöie Daheime. Warum? Mi hei sy us ere ganz schlächte Hautig ussegholet. Schtäut Öich vor: uUugsicherete Baukon im 15. Stock, aus Schpiuzüg für d'Ching aagschafft u mir säubr chei Schpiuzüg gah! Itze wohn ig uf ere ganz toue Pflägschtäu, ha Schpiuzüg en masse u en eigne Wintergarte, wo ig chah chlättere. Abr isch haut nur uf Ziit. Drum!

Ig bi 8 Mönnet, kaschtriert, gimpft, gsung, schtuberein, lieb, läbhaft u entdäcke grad s'Schpiue. Was es aues git u womit mer Schpiue cha! Ig bi sähr nöigiirig, muess aues ungersueche u luege u beobachte. S'Läbe isch ja so spannend. U wenn ig mau so richtig müed gschpiut bi, denn han ig ou Ziit zum Schmüsele u Döse. Abr dernache geht's wiiter, gäu? Was ig mir tät wünsche, wenn ig wünsche dörfti? Auso: liebe Mönsche, die mi nid aus Schpiuzüg bhandle sondern MIT mir zäme schpiue u sich mit mir bschäftige, gärn e Familie mit grösseri Ching, denn e grossi Wohnig mit gsicheretem Baukon u ere spannende Uusiicht, gärn ou e chliine Dschungu, ig liebe das. Abr Du muesch es bitzeli luege wegen de Pflanze, ig chnabbere ou dranne umme u manche sy giftig. U denn min gröschte Wunsch: es liebs, nid auzu schüechs Chatzegschpändli (so bis 4jährig) zum Schpiue u Tobe. Was meinsch? Chönntisch Du mir so öppis biete? U suechsch Du es chliine Wirbuwind zu Dim Chatzli derzue? Ja? Denn müeset mir üs unbedingt lehre chenne. Ig wohne derziit z'Worb/BE, zügale abr gärn zu Dir, wo ou immr Du wohnsch. Mäud di doch bitte ganz gly bi dr Sonja Ball. Sie het sich mir agno u suechet für mi das Plätzli. Übrigens, wie fingsch Du mis Härzli a mini Vorderbei? Lueg!



Din Nino



Katze sucht Mensch - Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch